

ÁŠŠEČILGEHUS

___ Vuoddodokumenta
x Jorgaluvvon dokumenta

Vuorkáášši: 2017/2616-3	Vuorká: H12	Áššemeannudeaddji: 'Kent Ailo Hætta	Dáhton: 30.05.2017
----------------------------	----------------	--	-----------------------

Lávd.áššennr.	Lávdegoddi	Čoahkkindáhton
	Ovdagotti mearrádusevttohančoahkkin	
	Suohkanstivra	

Láhkaásahus ahte juohkit guhkesáiggeorruma Guovdageainnu suohkana buhcciidruovttus.

Diehtu sáddejuvvo:

Juohkinjoavku dearvvašvuhta ja fuolla

Čujuhuvvo dása:

Láhkariעדadus - riekti orrut buhcciidruovttus dahje vástideaddji viesus mii sierraládje heivehuvvo birrajándorbálvalussii - eavttut ja vuordinlisttut (gč. mielddus 2)

Mielddus:

1. Forskrift om tildeling av langtidsopphold i sykehjem i Kautokeino kommune
2. Brev fra Helse- og omsorgsdepartement til landets kommuner vedrørende lovendring om rett til opphold i sykehjem eller tilsvarende bolig særskilt tilrettelagt for heldøgnstjenester – kriterier og ventelister
3. Gulaskuddanreive, beivejuvvon 28.04.2017

Áššečilgehus:

Stuoradiggi mearridii geassemánu 13.b. 2016 láhkariעדadusaid pasienta- ja geavaheaddjeriekteláhkii ja dearvvašvuoda- ja fuollabálválusláhkii, geahča mielddus nr 2. Láhkariעדadusat galget buoridit pasienttaid ja geavaheddjiid riektedili mii guoská dasa ahte oážžut rievtti orrut buhcciidruovttus dahje vástideaddji viesuin mat sierraládje heivehuvvojit birrajánddur bálvalussii.

Láhkariעדadusat čielggasmahttet ahte pasienttas dahje geavaheaddjis lea riekti oážžut suohkana mearrádusa rievtti hárrái guhkesáiggi orruma birra buhcciidruovttus dahje vástideaddji viesus, jus dát lea *dearvvašvuoda- ja fuollafágalaš árvoštallama vuodul dat áidna suohkanlaš fálaldat mii sihkkarastá pasientii dárbašlaš ja dohkkehahtti dearvvašvuoda- ja fuollabálvalusa.* Láhkariעדadusaid vuodul suohkan galgá ráhkadit suohkanlaš láhkaásahusa mas čilgejuvvo mat dokumentašuvnnaid ja mat eavttuid galget leat vuodđun go juohká guhkesáiggiorruma. Suohkan sáhtta ohcci bidjat vuordinlistui jus suohkan árvoštallá ahte ohcci deavdá eavttuid oážžut guhkesáiggiorruma, *muhto ahte ohcci, go son oážžu dohkálaš veahki, sáhtta ruovttus orrut dan botta go vuordá saji.* Láhkaásahusas galget danne maiddáai leat njuolggadusat vuordináiggi hárrái ja njuolggadusat mat sihkkarastet pasienttaide ja geavaheddjiide čuovvoleami vuordináigodagas. Láhkaásahus galgá leat mearriduvvon nu ahte bohtá fápmui suoidnemánu 1.beivvi rájes 2017.

Láhkaásahus sáddejuvvui gulaskuddamii 28.0.4.17. Gulaskuddanáigemearri lei miessemánu 20.b. 2017. Gulaskuddama sáddiimet boarrásiidráđđái, dementasearvái, suohkana ráđđái doaimmashehttejuvvomiid várás, suohkana fágaserviide ja NFU:i.

Gulaskuddama almmuheimmet suohkana ruovttusiiddus. Eai leat boahtán gulaskuddančealkámušat.

Árvvoštallan:

Láhkaásahusevttohusa leat ráhkadan áššemeannudeaddji May Britt A. Hætta ja buohccidivššár Elle Sara Pulk ovttasráđiid Dearvvašvuohta ja fuollaovttadagain. Gulaskuddanevttohus lea eanas ráhkaduvvon dáláš praksisa vuođul das movt Guovdageainnu suohkan juohká buhcciidruovttusajiid.

Dearvvašvuođaveahki árvvoštallan lea fágalaš árvvoštallan mas vuođđun lea dat ahte ollislaččat árvvoštallojuvvo pasieantaid doaibmadási ja iežasfuolla, gč, láhkaásahusa § 3. Geavaheaddjiperspektiivva mii árvvoštallat ahte mii leat váldán vuhtii, geahča earret eará sátnádeami §:s 3, mas daddjo ahte pasienta galgá ieš leat mielde das movt hábmejuvvo bálvalusfálaldat.

Lága ovdabargguin boahtá ovdan ahte guhkesáiggiorrun buhcciidruovttus dahje vástideaddji viesus mii sierraládje lea heivehuvvon birrajánddur fálaldahkii, lea eanemus áigeguovdil daidda pasienttaide dahje geavaheddjiide geat leat badjel 67 jagi. Go daddjo «dahje vástideaddji viesus mii sierraládje lea heivehuvvon birrajánddur fálaldahkii», de oaivvilduvvo viesuid mat leat heivehuvvon nu ahte sáhtta addit bálvalusaid mat gokčēt ássiid dikšodárbbu, fuolladárbbu ja assistentadárbbu birra jándora. Ássiin galgá leat ordnejuvvon vejolašvuohta veahkkebálvalusa gohččut (tilkallingsmuligheter) nu ahte dohkálaš bargit addet veahki, ja dat veahkki galgá seammá fargga leat sajis go dalle go olmmoš lea institušuvdnii čálihuvvon sisa. Leat erohusat suohkanis suohkanii das movt suohkan lea välljen organiseret birrajánddur dearvvašvuođa- ja fuollabálvalusa pasienttaide dahje geavaheddjiide badjel 67 jagi guhkesáiggiorruma bokte buhcciidruovttus. Danne evttohuvvo ahte láhkaásahus ráddjejuvvo guoskat buhcciidseanagasajiide, gč. § 2 (mielddus 1).

Mearrádusevttohus:

Suohkanstivra dohkkeha evttohuvvon láhkaásahusevttohusa das movt juohkit olbmuide guhkesáiggiorruma Guovdageainnu suohkana buhcciidruovttus.